

元代子部書 四卷

元
代
史料
叢刊
初編

黃山書社

崑崙載牽于于其來及之雪山年已徂抗瀝厥腎腸爲告
涸涸莫匪至言身國之本維帝字之曰天覺子飭無怠忘
子訓史書虎符寵綏璽書誕告凡爲爾學其復亡撓又曰
長春而所宿號卽名而宮歸主其教假以澤物宏帝之仁
于死于俘必拯以全旋還其眞子孫衆有一絕一繼孰世
其守有惑其道而否臧之人曰不然太祖皇之矧我世祖
封植益力曰爾長春朕幼及識太祖皇之維朕將之增諡
四言煥其唐之有嚴今皇乃聖乃哲身先孝治祖塗孫轍
爰詔下臣伐石廟穹臣拜稽首二祖之功豈人不忘維帝
欽崇驅馬飛廉屬車豐隆或從上帝陟降斯宮靡祥不臻
奚祉弗屈於皇我元萬禩攸賴

牧菴文集○碑文內奈蠻
史作乃蠻卽長春西遊記

卷三

三

之乃滿徐世隆靈應碑今佚元詩選載有袁梅遊長春宮
 詩云珠宮傲殊界積構中天臺神清歷倒景青紅隱蓬萊
 羣山助其雄衮衮從西來八荒昔禹甸為此增崔嵬舊邑
 環蟻垤清泉覆流杯雲低落日淨莽蒼同飛埃緬裏古仙
 伯采芝雪毡毳長春豈酒國殺氣爲之迴天風起高寒玉
 珮聲徘徊空餘水中輪歷錄環春雷之人去已久松聲有
 餘哀又迺賢長春宮詩云羸駘踏秋日迢遞謁琳宮松子
 花飄落溪流板閣通樓臺非下土環珮憶高風草昧艱難
 日神仙第一功自註云邱神仙太祖常召至西域誦道屢
 勸上以不殺又京城雜言六首之七云邱公神仙流學道
 青海東徃時儒教師矯矯真天龍乾坤始開廓魚水欣相
 從扣馬諫不殺嘉辭動天容保此一言善元祚垂無窮當
 時稱頌其止殺之功如此經厄一事詳後辨證

元許有壬龍德宮記

天水云澗金源告竭天一之真胚渾朔方混爲慶元流澤
 萬世我太祖聖武皇帝盛德啟運爲民立極維時佐命皆
 不世出之才足以輔成大業而上聖識慮超越規摹弘遠

惟績易疑惟道務至非博大至人曷贊元化聞崑崙崑崙
山邱公其人也遣近臣劉仲祿自奈蠻國卽其地徵之公
知天命之不可違化機之不可失絕宋金使幣幡然應詔
跋涉數萬里見上於西域雪山帳殿言修身治國撫民止
殺之道大契天心東歸居燕之太極宮後因其號易名大
長春宮賜冠服金印掌全真大教是爲長春真人全真者
恬澹無爲全其本真其學倡於其師重陽真君至是立風
播而道化行徒衆盛而宮觀興矣長春法系之弟曰太古
真人郝公太古傳盤山真人王公歲己未長春以汴之重
陽觀實真君昇舉之地命盤山入汴主之肇建大朝元宮
構築規制之大甲江北諸宮觀丞相史公以龍德亦古名

地請盤山竝主之構殿熙春閣基之前扁無極以奉三清
與朝元遂爲宗屬龍德宋同樂園道君旣禪之所居地直
乾位故爲是名有十洲三島亭臺樓觀極土木之侈居無
何而北矣宋南渡爲道宮馴至今日文醕德懿知常翊教
大真人姬公旣襲教積儉儲贏以待後用至元丙子虛玄
應物通和真人李公命宮主高志和陳道祥卽熙春閣基
建通明殿以奉昊天上帝營東西廡以庇其徒馳至崇玄
誠德洞陽真人徐公泰定虛白文逸明德真人孫公俱以
善繼見稱八傳而至通玄文德虛逸真人王公公名德衡
天均其自號也述事尤力闕者備之弊者新之秩秩就緒
矣爰自乙未構築丙子增建且百二十年或剏或葺厥惟

艱哉天均念祖師經始之難前輩繼承之勤不勒之石曷
暢立風曷永教事命提點陳道新狀其故絕河來請有壬
惟老子著書五千餘言言道德之意後之緝之者甚也謂
五經不如其約者亦非也蘇黃門謂天下無二道所以治
入則異聖人中心行道不毀世法然後可耳蓋言君臣父
子之間非禮法則亂木食澗飲心存至道以之治世則不
可也坡公見其經解有言使戰國有此書則孔老爲一不
惟不緝而深有取焉蓋公言治道貴清靜本老子之旨也
漢文景而後爲治者多宗之所以緝之者以其獨善而不
兼也若長春之遇太祖言修身治國撫民止殺由身而國
知所本矣當草昧用武視民草芥之時而以撫民止殺爲

先其爲兼也不亦大乎其有得於以道佐人主佳兵不祥之旨哉易曰天地之大德曰生孟子曰天下定于一不嗜殺人者能一之長春之言又有契焉坡公所謂孔老爲一者非牽合也卽其書究之太平經曰上士學道輔佐帝王輔佐帝王舍長春之言皆去道矣有王因是宮道君之居而有稽焉宋自太宗建太平上清太一宮祥符窮極土木崇觀間道經設博士躋史漢列傳之次崇奉之道可謂極矣而其效漠然者非道之過不知道之過也我太祖皇帝用長春之言開萬億年太平之基此其所以爲道也旣爲叙次其師先之概終以道之大者使學道之徒知道之在此而不在彼嗣者知所以教不徒構築像事而已焉則祖

師之道不失其傳矣明劉昌編纂中州名賢文表

酥膠洞主曰觀以前紀述長春之道行此其大端矣然

其佚時見於他說余彙而考之亦可以得其學術之根

原焉茲錄於後

長春真人棲霞縣濱都里人祖父業農世稱善門金皇統

戊辰正月十九日生輟耕錄○又云年十九辭親居崑崙山依道者修真考密國公璿碑云幼

亡父母所謂親當泛指族屬

長春子生而穎悟未弱冠志於道不寐者餘四十載日記

三千言三教九流儲蓄於胸臆照耀於神識從重陽者無

慮千百輩惟邱劉譚馬四公為秀出然翹翹之譽獨有歸

焉金移刺霖礪溪集序○序末題泰和丙寅武定軍節度使兼奉聖州管内觀察使漆水郡開國侯食邑一千戶

泰和金章宗年號霖蓋當時重臣元詩
選癸集據臨潼縣志以霖為元人蓋誤

東州高士長春子未冠一年遇王重陽一言而道合遂師

事之王遺以詩有被余緩緩收綸線拽入蓬萊永自由其

深入理窟可知已大定戊申世宗召見凡四進長短句以

述修真之意上嘉歎焉

金陳大任礪溪集序○大任未詳
序未題泰和戊辰翰林學士知制

誥潁川縣開國伯食邑
一千戶亦金時顯宦也

長春師父云俺於大定間入見時進詞畢承旨求道俺心

許傳道德經谷神一章以萬乘之君懇心求道况乃實有

德行亦足以傳然必能持戒七日而後可曰不能減至五

日又曰不能復減至二日近侍猶以為難事遂止

尹清和
北遊語

錄

長春子滿庭芳詞余因求道西留關中十五餘年間鄉中
善士爲葬先考妣不勝感激遂成小詞寄謝云幼稚拋家
孤貧樂道縱心物外飄蓬故山墳壠時節罷修崇幸謝鄉
豪併力穿新壙起塔重重遺骸并同區攻葬遷入大塋中
人從關外至皆言盛德悉報微躬耳聞言心下感念無窮
自憊無由報德彌加志篤進立功深回向虔心道友各各
少災兇礪溪集○密國公瑋碑云長春功亡父母詳
詞意蓋鄉中道友爲之改葬故作此謝之也
長春子世宗挽詞序云臣處機以大定戊申五月十八日
召見於長松島秋七月十日再召見剖析天人之理頗愜
宸衷翌日遣中使賜桃一槃中秋以他事得旨許放還山
逮已酉歲春途經陝州遽承哀詔時也風塵瀕洞天氣蒼

黃士庶官僚盡皆素服處機雖道修方外身處世間重念
皇恩豈不有感謹綴挽詞一首用表肫誠云哀詔從天降
悲風到陝來黃河卷霜雪白日翳塵埃自念長松晚天恩
再詔迴金槃賜桃食厚德實傷哀

磻溪集

酥醪洞主曰重陽之學奉老子爲依歸者也而其教人
則以孝經稱首孝經言孝始於事親中於事君終於立
身又言以孝事君則忠又言事親孝故忠可移於君忠
孝本一貫也長春學於重陽觀所作詩詞雖一死生遺
萬物而忠孝之性一感觸之油然自生其服習於孝經
者深矣

長春真人在磻溪時常有虎豹夤夜往來是夕出入或生

怖懼清旦欲作藩籬復自思惟如此境界有此沛心便欲
遮護畢竟生死迴避得麼卻便休去

王樓雲盤
山語錄

長春真人在山東時行至一觀後有坐圓者其衆修齋次
有人覆真人言圓中先生欲與真人語真人令齋畢相見
去不意閒真人因出外尋及圓所以杖大擊其門數聲圓
中先生以爲常人怒而應之真人便回齋畢衆人復請與
相見真人曰已試過也此人人我心尚在未可與語遂去

之盤山
語錄

長春師父至獻州一縣令從師父左右未嘗輒離一日乘
閒問云某潛心在道已靜居十五年人皆謂之清靜然自
知其未也師父笑不答旣而曰清靜非一有內有外有無

為有有為公之所行外也有為也一男一女世事之常如
公之行亦未易得然非真清靜也無為自得是謂真清靜
聖賢與之也

尹清和北
遊語錄

長春師父至謙至下大慈大悲所出之言未嘗一毫過於
實常云無為之道視之不可見聽之不可聞行之猝不可
至長生與俺尙多疑心中道幾乎變易故知後人未易行

北遊
語錄

有人問道於長春師父答曰外修陰德內固精神

北遊
語錄

壬午四月邱真人達行在所至九月設庭燎虛前席延問
至道真人大略答以節慾保躬天道好生惡殺治尙無為
清淨之理上說命左史書諸策

輯耕
錄

長春邱公應聘南還至蓋里泊夜宣教語謂衆曰今大兵
之後人民塗炭居無室行無食者皆是也立觀度人時不
可失此修行之先務人人當銘諸心既居燕士庶之托跡
四方道侶之來歸依者不啻千數宮中爲之嗔咽冲和潘
公曰吾師之言不可忘也乃擇勝地以爲長春別館

元商
挺大

都清逸
觀碑

長春師父初入長春宮登寶立堂見棟宇華麗陳設一新
立視良久乃出衆邀之坐不許此無他恐消其福也

北遊
語錄

邱處機金季自棲霞西入關過益都知事徐君館之邱相
其宅曰此福地也徐卽施與之遂卜築焉井鹵不堪飲使
弟子咀茶投之卽成甘泉後建爲太虛宮今府學其地也

真善知風氣者

青州府志

至順庚午赴南宮嘗侍虞奎章坐談及東平富人新居落成有邱真人者道行重一時凡欲徼福利者慕其道爭迎致之幸其一至咸自慰足富人以禮致真人將冀一言以頌其居真人既入室默不一語輒以所持鐵杖於墻壁窗戶頗毀裂之亟出富人怏怏率家人羅拜以希解悟真人曰若室完美蔑以加矣雖然完必毀吾不先毀之若將無以圖厥終今毀矣若宜思其毀而欲完者克保全之則若與若子孫庶幾歌斯哭斯永終無替富人悅服

元夏頤東園友聞○

輟耕錄以此為長春自行在歸過宣德富人事蓋傳聞異詞

長春真人初住北平時大將軍北還知事者偶逢山東世

襲千戶夫人被虜緣其家世奉道有年意欲贖令出家以
問真人真人俛然不可其事議間已北行去訖知事因問
詢不可之意真人曰此人與其主人有三年宿債今既相
對正合填還後三年果得簪裳出家卻來詣長春宮參見
真人自以從來奉善卻得此報門衆語之方悟拜謝而去

盤山
語錄

札八兒火者賽夷人賽夷西域部之族長也因以爲氏火
者其官稱也金人遷汴乘輿北歸留札八兒守中都有邱
真人者有道之士也隱居崑崙山中太祖聞其名命札八
兒往聘之邱語札八兒曰我嘗識公札八兒曰我亦嘗見
真人他日偶坐問札八兒曰公欲極一身貴顯乎欲子孫